

DAN DJEVOJČICA U ICT-u 25.04.2019.godine

Međunarodni Dan djevojčica u informacionim i komunikacionim tehnologijama obilježava se od 2011. godine u državama članicama Međunarodne komunikacijske unije, čija je članica i naša država.

Ovaj dan se obilježava zadnjeg četvrtka u aprilu mjesecu.

Cilj obilježavanja ovog dana je da se podiže svijest o važnosti osnaživanja i ohrabrivanja djevojčica da se bave IT tehnologijama.

U Gimnaziji "Tanasije Pejatović" ovaj datum se obilježava već treći put i to kroz različite aktivnosti.

Ove godine su profesorice informatike Mirka Popadić Ljiljana Ranevski odlučile da promovišu programiranje u programskom jeziku Java kod učenica prvog razreda , kako bi ih uvele u svijet programiranja već u tom uzrastu.

Programirale su i na Micro:Bit-u, jer za to nisu imali priliku u osnovnoj školi. Učenica Tea Drobnjak je pripremila prezentaciju o ženama u ICT-u.

Gimnazija je od 2018. godine članica Oracle Akademije , koja je vodeća kompanija u svijetu programiranja, i bavi se Java programskim rješenjima. Takođe pokriva servise baza podataka i informacionih sistema.

Profesorice Popadić i Ranevski su sa uspjehom završile po četiri kursa na Oracle Academy , a to im je omogućilo Ministarstvo prosvjete koje je potpisalo trogodišnji ugovor sa Oracle akademijom.

Posebno je važno napomenuti da u okviru tog projekta profesorice imaju mogućnost da uključe u obuku i učenike, što su one i uradile. Nakon završenog nekog od Oracle kurseva i položenih testova, učenici će od škole dobiti sertifikate.

Sve ove aktivnosti, a posebno ova današnja doprinose podsticaju djevojčica da se bave poslovima vezanim za IT tehnologije. Djevojčice su iskazale veliko interesovanje za programiranje, naučile prve korake u programiranju a i lijepo se zabavile.

Profesorice su se zahvalile upravi OŠ " Salko Aljković ", jer su im za ovu aktivnost posudili mikrobitove,

a posebno se zahvaljuju direktoru, Draganu Zukoviću , koji ih podržava u realizaciji svih nastavnih i vannastavnih aktivnosti.